

Na osnovu člana 54. Statuta JP RPC Tuzla – Inkubator “Lipnica” d.o.o., direktor Društva d o n o s i

PRAVILNIK

O ODABIRU KORISNIKA PROJEKTA “PANDEMIJA – PRILIKA ZA NOVI POČETAK”

Član 1.

(Uvodne napomene)

“Pandemija – prilika za novi početak” je projekat pokrenut od strane JP RPC Tuzla - Inkubator “Lipnica” d.o.o. u toku pandemije virusa COVID-19 u zemlji i svijetu.

Projekat ima za cilj pružanje podrške onima koji imaju perspektivnu poslovnu ideju ili biznis, ali su zbog pandemije obustavili aktivnosti na realizaciji ili razvoju istih.

RPC će sa Partnerima u Projektu pružiti korisnicima stručnu, mentorsku, logističku i finansijsku podršku potrebnu pri pokretanju vlastitog biznisa ili razvoju istog.

Ciljevi koji se žele postići su održivost, rast i razvoj novoosnovanih malih i srednjih preduzeća i obrta koji će poslovati u RPC-u, samozapošljavanje i zapošljavanje drugih, te razvoj lokalne zajednice.

Član 2.

(Predmet Pravilnika)

Ovim Pravilnikom utvrđuju se ciljevi, ciljna grupa, uslovi, kriteriji i postupak odabira korisnika projekta **“Pandemija – prilika za novi početak”**.

Član 3.

Ovim Pravilnikom osigurava se transparentan i efikasan postupak odabira korisnika projekta **“Pandemija – prilika za novi početak”**.

Član 4.

(Izvori sredstava)

Partneri u Projektu su:

- **JP RPC Tuzla - Inkubator „Lipnica“ d.o.o.**
- **Investicijska fondacija Impakt, Sarajevo**
- **Fondacija Mozaik, Sarajevo**
- **Mikrokreditna fondacija MI-BOSPO, Tuzla**
- **JU Služba za zapošljavanje TK, Tuzla**
- **Naša perspektiva, Sarajevo**

Partneri u Projektu učestvuju na slijedeći način:

1. Investicijska fondacija Impakt, Sarajevo

- ✓ stručna i mentorska podrška u analizi izvodljivosti poslovne ideje za korisnike Projekta;
- ✓ stručna i mentorska podrška u registraciji poslovanja za korisnike Projekta;
- ✓ umrežavanje sa postojećim korisnicima u okviru YEP inkubatora poslovnih ideja na osnovu procijenjenih potreba, profila poduzetnika i mogućnosti Fondacije.

2. Fondacija Mozaik, Sarajevo

- ✓ ponuda ulaganja u poslovne ideje, što zavisi od potencijala prijavljenih ideja;
- ✓ usmjeravanje potencijalnih kandidata ka popunjavanju Mozaik prijave za biznise.

3. Mikrokreditna fondacija MI-BOSPO, Tuzla

- ✓ finansijska podrška u vidu mikrokreditiranja subjekata;
- ✓ podrška u vidu donacije (sponzorstva) u iznosu troškova registracije dva (2) startup-a.

4. JU Služba za zapošljavanje TK, Tuzla

- ✓ promotivna i mentorska podrška u uspostavi i razvoju biznisa u dijelu koji se odnosi na povezivanje sa tržištem i pronalazak radne snage, u skladu sa zakonskim propisima koji regulišu oblast posredovanja u zapošljavanju.

5. NAŠA PERSPEKTIVA, Sarajevo

- ✓ pružanje informacija o uslovima i mogućnostima investiranja/poslovanja u BiH;
- ✓ usluge podrške pri investiranju, uključujući:
 - organizacija posjeta i B2B sa bh. Kompanijama;
 - pomoć pri registraciji kompanije;
 - pomoć pri pribavljanju ostalih dozvola za rad.
- ✓ usluge poslovnog planiranja:
 - izradu studija izvodljivosti;
 - izradu poslovnih, marketinških i investicijskih planova i analiza.

6. JP RPC Tuzla Inkubator „Lipnica“ d.o.o.

Obezbjedenje **poslovnih prostora** za rad po najpovoljnijim finansijskim uslovima, i to:

1. Za fizička lica

- ✓ od 0 – 6 mjeseci **zakupnina** je bez naknade

- ✓ od 6 – 12 mjeseci korisnik plaća 25 % od iznosa zakupnine
- ✓ od 12 – 18 mjeseci korisnik plaća 50 % od iznosa zakupnine
- ✓ od 18 – 24 mjeseca korisnik plaća 75 % od iznosa zakupnine
- ✓ nakon 24 mjeseca korisnik plaća 100 % iznosa zakupnine

2. Registrovani biznisi

Razvijena preduzeća plaćaju cijeli iznos zakupnine.

Svi korisnici plaćaju mjesečne troškove komunalnih usluga i održavanja.

- ✓ **POGODNOSTI ZA SVE KORISNIKE U RPC-u (fizička lica i registrovani biznisi)**

Svim korisnicima u RPC-u (fizička lica i registrovani biznisi) po osnovu novouposlenih radnika, dodatno se umanjuju mjesečni troškovi zakupnine **u trajanju od 1 godine** od datuma prijave radnika, kako slijedi:

- ✓ od 1-3 novouposlena 10 %
- ✓ od 4-7 novouposlenih 15 %
- ✓ od 8-10 novouposlenih 20 %
- ✓ od 10-30 novouposlenih 25 %
- ✓ više od 30 novouposlenih 30 %

Pored toga, RPC pruža **svim korisnicima i niz drugih usluga bez naknade**:

- ✓ kontinuirano fizičko obezbjeđenje Centra čuvarskom službom
- ✓ obezbjeđenje infrastrukturnih priključaka do svakog objekta: grijanje, električna energija, voda, telekomunikacije, rasvjeta, pristupni putevi i parking prostori
- ✓ obezbjeđenje prostora za sastanke i obuku, pristup internetu, korištenje kopir aparata i faksa
- ✓ pružanje poslovnih savjeta
- ✓ pomoć kod postupka registracije preduzeća
- ✓ pomoć pri praćenju i poštivanju zakona i propisa
- ✓ podrška kod izrade i provođenja poslovnog plana, posebno za startup-e
- ✓ konsultacije kod pripreme ugovora, izrade ponuda za tendere
- ✓ pomoć pri izradi pojedinačnih programa i aplikacija za dodjelu podsticajnih sredstava
- ✓ informisanje o dostupnim fondovima i upućivanje poduzetnika ka fondovima koji stimulišu razvoj MSP te kreditnim linijama kao izvorima finansiranja
- ✓ povezivanje firmi unutar RPC-a u cilju ostvarivanja saradnje i zajedničkog nastupa na tržištu
- ✓ promotivne aktivnosti putem medija, brošura i web stranice www.rpctuzla.ba za preduzeća smještena u RPC-u
- ✓ organizacija seminara i prezentacija iz različitih oblasti

Član 5.

(Ciljna grupa)

Korisnici Projekta mogu biti:

1. **Fizička lica** koja imaju perspektivnu poslovnu ideju i spremni su na realizaciju iste kroz pokretanje startup-a;
2. **Registrovani biznisi** koji planiraju razvoj i proširenje poslovanja.

Član 6.

(Javni poziv)

Javni poziv će biti objavljen 12.10.2020. godine na web stranici RPC-a www.rpctuzla.ba.

Član 7.

(Odabir korisnika)

Odabir korisnika će se vršiti u dvije faze:

- **Faza 1**

U prvoj fazi RPC će vršiti predselekciju prijavljenih ideja u skladu sa utvrđenim kriterijima:

- da li je prijava sa traženom dokumentacijom pristigla u utvrđenom roku;
- da li je tražena dokumentacija potpuna;
- da li podnosilac prijave ima kvalitetnu poslovnu ideju ili biznis za razmatranje u drugoj fazi.

Ukoliko je odgovor na prva dva pitanja NE, prijava se automatski odbija.

Ukoliko je odgovor na treće pitanje NE prijava neće biti razmatrana.

RPC će sačiniti Zapisnik o broju pristiglih, odbijenih, prijava koje neće biti razmatrane i prijava koje su za razmatranje u drugoj fazi, te isti dostaviti Partnerima do 19.11.2020. godine.

- **Faza 2**

U drugoj fazi odabir će vršiti Komisija za izbor. Komisija će biti sastavljena od šest (6) članova, po jedan član u ime svakog Partnera.

Komisija će vršiti odabir prema utvrđenim kriterijima za:

1. **Fizička lica** koja imaju perspektivnu poslovnu ideju i spremni su na realizaciju iste kroz pokretanje startup-a;
2. **Registrovani biznisi** koji planiraju razvoj i proširenje poslovanja.

Kriteriji za odabir za **fizička lica** prikazani su u slijedećoj tabeli:

Redni broj	KRITERIJ	Uslovi	Broj bodova	Izvor verifikacije
1	Broj zaposlenih na početku poslovanja	1	1	Prijavni obrazac
		2-3	2	
		4-6	3	
		7-10	4	
		više od 10	5	
2	Djelatnost	Uslužna djelatnost	1	Prijavni obrazac
		Proizvodno-uslužna djelatnost	2	
		Proizvodna djelatnost	3	
3	Potencijal, stručnost, iskustvo i obrazovanje poduzetnika	Malo doprinose razvoju budućeg biznisa	1	Prijavni obrazac
		Mnogo doprinose razvoju budućeg biznisa	5	
4	Održivost poslovne ideje	Nije jasno vidljiva održivost ideje	1	Prijavni obrazac
		Djelimično vidljiva održivost ideje	5	
		Jasno vidljiva održivost ideje	10	
5	Korist od poslovanja u okviru RPC-a	Poslovanje u RPC ne doprinosi poslovnom modelu	0	Prijavni obrazac
		Poslovanje u RPC-u doprinosi održivosti poslovnog modela	10	

Kriteriji za odabir za **registrovane biznise** prikazani su u sljedećoj tabeli:

Redni	KRITERIJ	Uslovi	Broj	Izvor verifikacije
1	Broj zaposlenih trenutno	1	1	Prijavni obrazac; Lista osiguranih lica za obveznika za mjesec septembar 2020. godine izdata od Porezne uprave FBiH
		2-3	2	
		4-6	3	
		7-10	4	
		više od 10	5	
2	Djelatnost	Uslužna djelatnost	1	Prijavni obrazac; Rješenje o registraciji; Obavještenje o razvrstavanju pravnog lica prema klasifikaciji djelatnosti
		Proizvodno-uslužna djelatnost	2	
		Proizvodna djelatnost	3	
3	Potencijal za rast i razvoj biznisa	Nije jasno vidljiv potencijal	1	Prijavni obrazac
		Djelimično vidljiv potencijal	5	
		Jasno vidljiv potencijal	10	
4	Korist od poslovanja u okviru RPC-a	Poslovanje u RPC-u ne doprinosi poslovnom modelu	0	Prijavni obrazac
		Poslovanje u RPC-u doprinosi održivosti poslovnog modela	10	Prijavni obrazac

Komisija će sačiniti:

1. Rang listu prijavljenih poslovnih ideja;
2. Rang listu prijavljenih registrovanih biznisa;
3. Zapisnik o odabiru korisnika (fizičkih lica i registrovanih biznisa).

Komisija će Partnerima dostaviti gore navedene dokumente najkasnije do 04.12.2020. godine, te obavijestiti buduće korisnike o izboru u roku od tri (3) dana.

Broj odabranih korisnika će biti maksimalno pet (5), a ovisiti će od potreba za kapacitetima prvorangiranih korisnika.

Član 8.

(Potpisivanje ugovora)

Ugovori sa korisnicima biće potpisani u roku od sedam (7) dana od dana Obavijesti o odabiru.

Ugovori se potpisuju u skladu sa Pravilnikom RPC-a o uslovima, kriterijima i načinu davanja poslovnih prostora, zemljišta i usluga, kako slijedi:

- prvi Ugovor za fizička lica na period od 1 godine
- prvi Ugovor za razvijena preduzeća na period do 5 godina

Član 9.

(Javna promocija rezultata projekta)

Rezultati Projekta će biti javno promovisani u svim fazama putem web stranice RPC-a i lokalnih medija.

Član 10.

(Izveštavanje)

RPC će izvještavati Partnere o toku poslovanja izabranih korisnika kvartalno, kako slijedi:

1. Fizička lica

- da li je završena registracija poslovnog subjekta;
- da li je pokrenuta poslovna aktivnost;
- broj novouposlenih radnika.

2. Registrovani biznisi

- da li su realizovane planirane aktivnosti na proširenju poslovanja;
- broj novouposlenih radnika.

Član 11.

(Stupanje na snagu)

Ovaj Pravilnik stupa na snagu danom potpisivanja i biće objavljen na web stranici RPC-a www.rpctuzla.ba. Sve izmjene i dopune Pravilnika se donose na isti način.

Broj protokola: 03-783-1/20

Tuzla, 09.10.2020. godine

DIREKTOR

Emir Hamzić